

國

朝

文

錄

帶經堂文錄引

帶經堂集新城王阮亭先生著先生以詩名康熙朝與秀水朱竹垞並稱兩大趙秋谷宮贊所云王之才大而學足以充之朱之學博而才足以運之是也文則少遜于朱故漁洋文畧四庫全書不著于錄然而筆情雋逸議論風發泉流讀其序記諸篇如聞魏晉人揮麈清談俊爽之章幾于錄不勝錄特沉著堅厚處遜昔賢耳碑誌多大人物情事咳備尙少鎔鑄之功而寫次下位布衣一往情深似尤人妙傳多風逸不失史裁宋牧仲序蠶尾集謂碑版序事之文最勝殆不誣也題跋譏訶古人品瑜摘瑕往輒破的書

事諸作亦可觀以視竹垞雖不免瞠乎其後而海嶽高深之氣象詩書蘊釀之精華朝野推戴之風度固可于其文具見之矣上高

李祖陶撰

帶經堂文集目錄

卷一

晴川集序

林翁茂之挂劍集序

蓉槎蠡說序

倚聲集序

二十四泉草堂詩序

邵子湘青門集序

覽古詩集序

國朝謚法考自序

東西二漢水滸

書劍俠事

書亳州女子王氏事

劉孔和王遵坦傳

錄劉傳

御史梁哲次先生傳

明興安州知州復濱金公傳

吳順恪六奇別傳

卷二

光祿大夫總督河道提督軍務兵部尙書兼都察院右副都御史謚文襄靳公墓誌銘

承德郎大理寺左寺副前翰林院侍講邱公墓誌銘

霜臯先生墓誌銘

文林郎內閣中書舍人管典籍事馮君大木墓誌銘

敕封文林郎翰林院編修前西寧縣行取知縣任菴王公墓

誌銘

吳徵君天章墓誌銘

帶經堂集文錄卷一

山東新城王士正阮亭著 後學上高李祖陶欽

新昌漆作霖豫

○。○。晴川集序

三百篇既亡而楚詞興。楚詞不競而古詩作。故學士大夫將自兩漢以溯風雅之濫觴。舍楚詞其道無由。宋晁无咎朱元晦所輯錄。自淮南小山而下。其聲類楚者咸采摭不遺。而東坡山谷教人作詩之法。亦惟日熟讀三百篇楚辭。曲折盡在是矣。晁朱二家之書。豈非竊取坡谷之意而爲之者歟。然雲林黃氏又言。屈宋諸騷。皆

書楚語作楚聲。紀楚地名楚物。故謂之楚詞。若些只羌。諱蹇。紛侘。僚者。楚語也。頓挫悲壯。或韻或否者。楚聲也。沅湘江澧修門夏首者。楚地也。蘭茝荃葑蕙若蘋蘩者。楚物也。蓋伯思之說云爾。而余不謂然。何也。善學古人者。學其神理。不善學者。學其衣冠語言。涕唾而已矣。今必歷楚地。寫楚物。強倣楚語。以擬楚聲。夫而後得謂之楚詞。庸有是乎。馮子大木以中書舍人典試於楚。賦詩百餘篇。其詞甚麗。蓋真能得三百篇。汨屈宋。唐景之曲折者。而身之所歷。又皆沅湘江澧修門夏首之地。所名者。又皆蘭茝荃葑蕙若蘋蘩之物。其天才超逸。類多頓挫悲壯。有九歌九辨之遺風。於是讀者。

交嘆慕以爲是眞楚詞也。予願以爲馮子之於楚詞自少已窮其
曲折卽不歷楚地名楚物其善學古人者自在也。而其南浮江湘
東過夏首得以流連唱嘆攬香草像嘉木思公子懷美人則天所
以昌其文以與江漢洞庭內方大別共爲南國之紀楚之利也。而
馮子固不必以楚聲爲工者也。使起東坡山谷无咎元晦諸先生
而質之其必有取爾矣。

一氣鼓盪而曲折自具其中此實奇文

先生論詩固擅長而論文亦正其序張杞園半部集云論文者
近取諸唐宋而已唐之古文始於富嘉謩吳少微而不傳李華

蕭穎士繼之而亦不傳。故唐之文斷自退之。宋之古文始於柳
開。穆修。鄭條。條無傳。柳穆之集具在。雖傳矣而不足以傳。故宋
之文斷自永叔。湜。勗。曾。蘇以下。羽翼而發。豈之唐宋之文。遂繼
西漢而佐佑六經。綜而論之。唐之文氣勁而節短。其失也。鬼瑣
而詭僻。宋之文氣舒而節長。其失也。蹇緩而俗。下元明作者大
抵祖宋。祧唐。萬物雷同。卒歸率易。如圭峯。後渠。浚谷輩。稍能自
異者。四三人而已。故今之學者。爲古文必宋。宋必歐陽。吾皆無
取焉。惡其同也。本之乎六經。斟酌乎唐宋。勁而不詭。舒而不俗。
可以傳矣。

○ 林翁茂之挂劍集序

勝國萬曆中海內太平。文治熙洽。士大夫官中朝者。率皆優閒無事。退朝罷直。輒飲酒賦詩爲樂。金陵號爲南京。山川清麗。衣冠翕集。尤以風流文采相尙。布衣工文之士。多萃止焉。閩人曹學佺能始官南京大理評事。尤好山水。每春秋佳日。與諸名士登臨賦詩。詩多清綺婉縵。有陰何沈謝之遺風。至今金陵人猶能誦之。林翁古度亦閩人也。少賦擗鼓行爲。東海屠隆所知。其父初文孝廉嘗獻書闕下。不報。歸而卜居金陵。翁及其兄君遷皆好爲詩歌。又出交當代名士。聲譽日起。而公尤與曹氏相友善。故其詩清綺婉縵。

亦復似之。萬曆己酉壬子間，楚人鍾惺、伯敬、譚元春、友夏先後遊金陵。翁一見悅之，相與方舟，泝大江，過雲夢，憩景陵者累月。於是其詩一變而爲楚音。又三、四十年，天下大亂，事勢陵谷，永嘉南渡，石頭不守，曩時風流文采之盛，不復可蹤跡。而諸公亦零落老死，無復存者矣。可稱樹果願翁獨亡恙，舊家華林園側，有亭榭池館之美，胥化爲車庫馬廐，別卜數椽，眞珠橋南，陋巷掘門，蓬蒿蒙翳，彈琴讀書，不輟。有所感激，尙時發之於詩。海內士大夫慕其名，而幸其不死，過金陵者，必停舟車訪焉。翁旣貧，夔無復少壯時意氣，朝炊冬褐，不能不仰四方交遊之力。願世之士大夫，多非雅故，或陽浮慕之。

重翁哉。既辭不獲，乃爲披揀而精擇之。僅存百數十篇。蓋嘗論之。
翁少與曹氏游。發三山來建康。上匡廬。觀瀑布。游陽羨。探善權。玉
女之奇。其詩清華省淨。具江左初唐之體。逮壬子以還。一變而爲
幽隱鉤棘之詞。如明妃遠嫁後無復漢宮豐容靚飾。顧影裴回。光
照殿中之態。今所錄篇什。率皆辛亥以前之作。而世之浮慕翁者。
或未必盡知之也。宣城施參議愚山過揚州。得是本讀之。嘆翁真
面目。今日始出。因錄副本以去。旣而施官臨江。予官京師。翁遂以
丙午下世。三歲不克葬。每念生平杯酒之語。耿耿於心。愧無以報
翁地下。己酉奉使淮南。檢此本適在篋衍。謀爲雕布。所以瞑翁目。

者。或。在。此。也。乃。爲。敘。述。之。俾。讀。翁。詩。者。有。考。焉。

攄懷舊之蓄念發思古之幽情不止爲淋賤之一人言也而刪
茂之之詩尤見古誼

○ 蓉槎蠡說序

說部之書蓋子史之流別必有關於朝章國故前言往行若宋王氏揮塵三錄邵氏前後聞見錄之屬始足爲史家所取衷予嘗於居易錄白序中畧其例矣而平生先後所撰著遊歷記志而外則又有池北偶談香祖筆記古夫于亭雜錄諸種未知視宋人何如然備掌故而資考據或亦不爲無補近又有分甘餘話四卷爲門人程聖跋校刊聖跋因其蓉槎蠡說寄予論之而屬爲之序予惟說者釋也述也解釋理義而以己意述之也夫天地之道變化日新發揮旁通取不禁用不竭而昧者往往失之固無足論或者

穿○鑿○其○聰○明○而○不○軌○於○正○則○支○離○流○蕩○之○辭○爲○害○於○人○心○風○俗○最○
深○而○尤○不○可○以○訓○聖○政○此○編○抱○博○辨○之○才○具○論○斷○之○識○則○古○昔○稱○
先○生○要○之○以○無○雷○同○毋○勤○說○閒○亦○出○曼○倩○之○諧○語○效○彥○輔○之○清○言○
但○期○曲○達○已○意○以○求○合○乎○義○理○之○歸○而○後○止○雖○於○朝○章○國○故○弗○遺○
殫○悉○殆○所○居○之○地○使○然○至○於○前○言○往○行○大○可○供○畜○德○之○助○細○亦○可○
以○佐○多○識○之○功○時○時○有○廣○老○人○耳○目○所○不○逮○者○此○予○之○所○爲○望○向○
若○而○興○嘆○者○也○而○聖○岐○乃○以○蠡○說○名○之○若○曰○吾○僅○以○蠡○測○海○云○爾○
其○不○自○滿○足○爲○何○如○哉○雖○然○海○也○者○委○也○果○能○由○其○委○而○窮○其○源○
以○極○之○於○星○宿○而○榕○槎○自○此○益○遠○矣○蓉○槎○聖○政○別○字○也○

先生論說部指歸如此而昧者乃謂聊齋志異之書爲先生所
健羨真齊東野語哉

尚聲集序

大處落○處直從源○到統起

甚矣聲音之道詎不大哉。古者歌詩三百，弦詩三百，意三百，五篇之外，可以被管弦。諧金石者，篇目猶衆，特其聲弗傳耳。然予又考諸史記，古詩蓋三千餘篇，孔子刪取三百五篇，皆弦歌以合韶武之音。則所謂歌弦之詩，殆卽今所傳關雎以下正變之詞。獨弦歌之法不傳，而弦歌之詩固在也。小雅南陔、白華、華黍三篇，有其義而亡其辭。孔穎達以爲此三篇在武王之時，周公制禮，用爲樂章，吹笙以播其曲。孔氏刪定有三百一十一篇，遭戰國及秦而亡，由是推之，則知三百一十一篇皆歌弦之文，乃其聲自秦火而後闕。

軼固已久矣。漢末杜夔號嫺雅樂而所得止鹿鳴騶虞伐檀文王
四篇。至太和中又失其三。左延年所得僅鹿鳴一笙耳。夫師曠規
風而識盛衰。季札觀樂而知興廢。非聲音之爲道。何以感人如此。
其深耶。鄭樵考定漢魏以來樂府之詩。自鏡歌鞞舞而下系之風
雅郊祀而下系之頌。聲三侯而下系之別聲。大抵世代升降不同。
而聲音之道則一。故樂辭曰詩。詩聲曰歌。尼父之刪詩也。得詩而
得聲者。則列之風雅。得詩而不得聲者。則置之逸詩。善讀詩者。由
聲以考義。而與聖人之志庶幾其不遠矣。唐詩號稱極備。樂府所
載自七朝五十五曲之外。不概見。而梨園弟子所歌。率當時詩人。

之作如王之渙之涼州白居易之柳枝王維渭城一曲流傳尤盛
此外雖以李白杜甫李紳張籍之流因事創調篇什繁富要其音
節皆不可歌詩之爲功既窮而聲音之祕勢不能無所寄於是溫
和生而花間作李晏出而草堂興此詩之餘而樂府之變也詩餘
者古詩之苗裔也語其正則南唐二主爲之祖至漱玉淮海而極
盛高史其嗣響也語其變則眉山導其源至稼軒放翁而盡變陳
劉其餘波也有詩人之詞唐蜀五代諸人是也有文人之詞晏歐
秦李諸君子是也有詞人之詞柳永周美成康與之之屬是也有
英雄之詞蘇陸辛劉是也至是聲音之道乃臻極致而詩之爲功

雖百變而不窮。花閒草堂尚矣。花庵博而雜。尊前約以疎。詞統一
篇。稍撮諸家之勝。然詳於隆萬。畧於啓禎。鄒子與予蓋嘗歎之。因
網羅五十年來薦紳隱逸宮闈之製。彙爲一書。續花閒草堂之後。
使夫聲音之道。不至湮沒而無傳。亦猶古弦歌之意也。書成命曰
倚聲。陸游有言。唐自大中後。詩家日趨淺薄。會有倚聲作詞者。頗
擺落故態。適與六朝跌宕意氣。差近。義取諸此。後之作者。由將聲
音之微。以進求夫六義之正。變斯集也。可以興矣。

深悉源流。寫出如數一二詞家。統要殆括於此。

二十四泉草堂詩序

太史公曰。孔子以詩書禮樂教弟子。受業身通者七十有七人。語
又有之。不得中行而與之。必也狂狷乎。疑與孔子之所以爲教者
不類。何歟。乃子與氏申其旨曰。如琴張曾皙。牧皮者。孔子之所謂
狂矣。其志嚶嚶然曰。古之人。古之人。狂者又不可得。欲得不屑不
潔之士而與之。是狷也。自有孟氏之說。而聖人之所以爲教。益大
明於後世。非獨曾皙原憲之徒然也。卽如莊周接輿。長沮。桀溺。於
陵。仲子之流。其行事或近於狂。或近於狷。要皆爲不悖於聖人之
道。故後世有傳焉。而流俗之人。習見夫伊優。聶喘。以爲工。磬。折。周。

旋○以○爲○容○舉○天○下○滔滔○皆○是○可○以○干○譽○而○無○咎○而○苟○有○一○儻○募○連○
舉○不○羈○之○才○則○以○爲○負○俗○之○累○羣○相○與○非○笑○之○不○至○於○埋○鬱○轆○軻○
其○身○而○不○止○噫○其○可○悲○也○夫○狂○狷○之○士○不○見○絕○於○古○之○聖○人○而○今○
乃○不○見○容○於○流○俗○無○惑○乎○舉○世○相○率○於○聲○利○媠○媚○之○途○而○不○知○所○
底○也○王○子○秋○史○自○其○少○已○負○奔○軼○之○才○嗜○古○好○奇○視○鄉○里○間○舉○無○
足○當○其○意○者○類○狂○閉○門○苦○吟○息○交○絕○遊○類○狷○鄉○里○之○人○亦○遂○羣○起○
而○譟○之○秋○史○自○信○願○益○堅○田○司○寇○漪○亭○以○視○江○南○學○休○沐○歸○過○歷○
下○偶○見○其○詩○急○物○色○之○與○相○見○又○盛○稱○其○才○始○得○列○名○諸○生○予○繼○
見○其○詩○有○亂○泉○聲○裏○纔○過○屐○黃○葉○林○閒○自○著○書○之○句○亟○稱○之○於○巡○

撫張中丞。中丞因延見。講布衣之好。於是秋史名字。往往在人口。然好之者。終不敵忌者之衆。故坎壈至今。秋史之詩。骯髒有奇氣。不屑一語。雷同而趣味澄復。如清沈之賞。遠與其人絕相似。雖忌者不能不心折其工也。王道思有言。才足用於世。賤且貧焉。其怨也宜也。故言之所寄。必出於不平。予以爲道思之言。亦稍過矣。夫知不知命也。過不遇時也。老氏不云乎。知我者希。則我貴。而又何貧賤之足云。矧不必似賤貧終乎。秋史絕不故題口語但自信其狂者狷者。而窮達勿變焉。他日人與詩。兩無負矣。

鬱勃激昂先生能如此論人。所以能主張後學。

○邵子湘青門集序

毗陵文派始荆川。方明嘉靖中，滄溟弇州繼空同之後，以先秦西
京之文。雄長海內。荆川獨與遵巖浚谷鹿門數君子發明唐宋六
家之緒言。遵巖序荆川之文，以爲吳蓋長江大湖以爲國。地方千
餘里。林麓川澤之美，殆不可勝數。而英華之所磅礴，惟季札言游
兩人繼之者荆川也。其推引可謂至矣。而荆川答遵巖書，盛自謙
挹不敢當。以今觀荆川之文，渾茫演迤，使與少游无咎文潛之流
馳騁後先，可以不媿。而洸汰鍛鍊之工，或有所未暇。蓋其中年自
詭講學，而又不能忘情於用世。又其學極博，而不能不雜。故於洸

汰鍛鍊之工。或疎荆川自以爲徒業者。不啻其截殆。非盡誣也。吾友邵子湘氏。生荆川之鄉。蓋嘗學荆川之學者。其爲文。遠取法於唐宋諸大家。或時闢馬班二史之藩。而其於洸汰鍛鍊之工。尤深。邵子家瀟湖。鄰具區。煙波浩淼之觀。旣足以蕩滌其胃臆。中年謝塵鞅。自屏於山水。寂寞之蹟。不復有用世之志。而獨肆其力於文章。論者以爲天之阨邵子。故嗇其遇。而不知嗇其遇。以昌其文者。不可謂非天之所以私邵子也。邵子博學。卽未知視荆州何如其於文章。洸汰鍛鍊之工。則已至矣。邵子之詩格甚高。氣甚道。嘗觀海市於之梁。窮炎漲於扶胥。而其詩益奇恣。盡變與其文。可必傳。

於後世無疑。邵子方客宋中丞牧仲。吾言不信。質之牧仲。謂何如也。

以淘汰鍛鍊之工。許子湘可稱具眼。故子湘報書亦深服之。

覽古詩集序

士君子平居讀書必明於古昔治亂得失之故人才賢否之辨世運升降之由然後發於文章施於政事莫不沛然而有餘舉然而不惑猶以爲未足也則又必憑軾萬里此是盛觸歷觀古帝王聖賢將相之

遺跡自通都大邑名山巨川以逮叢祠荒塚金石斷闕之交所至憑弔其風流考訂其是非以發抒其氣而證其所學乃可以上下千古而無憾焉門人江子辰六之學淹貫古今予每與之論史事俯仰數千年如指諸掌早歲絕江淮泛洞庭南窮夜郎盤瓠之鄉發爲歌詩浩落有奇氣茲覽古詩一卷則康熙丁巳適河東行役

道路之所作也。其地自楚而韓魏燕趙。其世自皇古而唐宋。其人自女媧軒轅而迄於司馬文正公。凡爲詩如千首。美刺具焉。史家所謂隱而彰。直而寬。簡而明。微而切者。畢見於是矣。聞之先儒。有言。有史傳之文焉。有歌詠之文焉。史傳之文。以實錄爲主。歌詠之文。揚其善而隱其惡。大其美而張其功。予嘗聞其說而疑之。信斯言也。則孟氏所謂王者之迹熄而詩亡。詩亡然後春秋作。又何謂邪。今江子之詩。獨能以三百篇溫柔敦厚之詞。而傳於二百四十二年。善善惡惡之義。後之觀者。將以爲歌詠之文乎。抑以爲史傳之文乎。昔唐宋閒精於史者。有劉知幾。劉恕。范祖禹。諸人。其詩率

無可稱而王孟高岑蘇梅黃陳之流亦不聞以史事自見而江子
兼之雖高視古人可矣

其氣雄直

國朝謚法考自序

本朝有天下逾五十年。祖德宗功尊名當實。所謂南郊稱天以謚之。藏在金匱。顯融無極。自煚業以來。諸王公將相攀鱗附翼而起。家有行狀。國有惇史。而朝廷飾終之典。莫重於謚。願五十年來。未有成書以備掌故。館閣之祕。世又無從而窺焉。士正昔備員吏局。以爲國之大典。不可以無述。私用掌記。勒爲一書。書成序之。曰謚始於周。周禮春官之屬。小喪賜謚。小史。卿大夫之葬。賜謚。讀誄。漢唐而下。皆循其制。而間有損益。漢制雜見於白虎通。獨斷諸書。唐宋則太常博士議之。考功覆定。而後上之。明制大臣之喪。

禮部以謚請既報可。則內閣以三謚列上。而人主自擇之。本朝率沿明之舊。此其大畧也。然而古今有不能盡同者。士冠禮曰。生無爵。死無謚。唐則養德。邱園。聲實。名著者得謚。先生。宋林逋。徐績。蔡沈。元韓性。杜英。許謙。胡炳文。諸人皆以隱逸特謚。前明官必三品。例始得謚。自餘翰林有講幄。舊勞者。死建言。死封疆。死王事者。亦得予謚。而其他不與焉。至邱園之得謚者鮮矣。此其不同一也。古者謚具美惡。所以寓褒貶。示勸戒。而其後則有美而無惡。此其不同二也。古謚有六家。蘇洵。及其重複。凡所取一百六十八謚。鄭樵又增損之。爲上謚百三十一。中謚十四。下謚六十五。迄於明代。

所存者僅六十八謚。今則又減於前。此其不同三也。明制翰林官始得謚文。然有不翰林而謚文者。劉王二文成是也。翰林而不謚文者。劉忠愍球是也。一代之制異同如此。本朝則閣臣雖不由翰林皆得謚文。此其不同四也。婦人古有謚。白威里外如虞潭母孫之謚文。李思齊妾鄭之謚貞烈。皆有瑰璋之行。而其後乃僅以爲阿保恩澤之私。此其不同五也。又有疑者。郊特牲曰。死而謚之。而春秋衛侯賜北宮喜謚曰貞子。析朱鉏曰成子。生而謚之。又何說也。大戴禮曰。大行受大名。細行受細名。春秋之世。乃有以作亂被誅而得上謚。如崔武子變懷子。又何說也。宋歐陽修卒。議欲謚。

文以配韓愈常秩有私憾於修增一字爲文忠議者謂必畱此以待安石已而果然太常初擬朱熹謚文正考功劉彌正謂熹當繼唐韓愈宜特謚文詔從之厥後周程張呂諸儒謚皆一字此以一字爲貴也京鐘謚文穆其子請避家諱改謚文忠言者謂楊億鉅儒旣謚文議者欲加忠竟不與加一字尚不可况二字極美乎此以二字爲貴也明制謚親王一字郡王二字此又以少爲貴也世宗惑道教邵陶二真人濫及四字此又以多爲貴也又何說也此予所積疑於中而不得其說者并附著之至本朝賜謚尤在獎忠義以風有位

世祖定鼎之初。卽下所司定勝國甲申諸臣之謚。康熙中監司殉難。若葉映榴之謚忠節。陳啓泰、陳丹赤之謚忠毅。皆非常典。所以教忠者至矣。百世而下。猶必有觀感而興起者也。

分兩層說說疑處尤辨

○東西二漢水辯

漢水有東西二源。自桑欽常璩道元以來。諸說紛紜。輻輳不解。予嘗兩入秦蜀。於東漢則探其源於西漢。則窮其委。因爲辯之。按百年關下有分水嶺。東水皆北流。至五丁峽北合澆水。爲沔。而爲東漢嶺。西水皆南流。逕七盤關龍洞。合嘉陵水。而爲西漢。常璩云。漢水有二源。東源出武都氐道縣澆山。因名澆。西源出隴西蟠冢山。會白水。經葭萌入漢。始源曰沔。故曰沔漢。酈注引漢中記云。蟠冢以東水皆東流。蟠冢以西水皆西流。卽其地勢源流所歸。故俗以蟠冢爲分水嶺。卽此推沔水無西入之理。又云東西兩川俱

出嶓冢而○同○爲○漢○水○按○常○氏○以○沔○爲○西○漢○水○其○說○紕○謬○酈○注○辯○之○
臆○矣○又○謂○東○西○俱○出○嶓○冢○非○也○且○桑○欽○謂○澆○水○出○隴○西○氏○道○嶓○冢○
山○東○至○武○都○沮○縣○爲○漢○水○而○曰○至○廣○魏○與○白○水○合○又○至○葭○萌○與○羗○
水○合○是○以○澆○水○爲○西○漢○水○也○又○謂○沔○水○出○武○都○沮○縣○東○狼○谷○中○又○
曰○沔○水○東○南○逕○沮○水○戍○東○南○流○注○漢○是○以○沔○水○爲○東○漢○水○也○酈○氏○
兩○疏○之○而○未○辯○其○非○夫○禹○貢○嶓○冢○導○澆○東○流○爲○漢○澆○之○東○流○見○於○
經○者○顯○然○如○此○余○過○武○都○嶓○冢○山○下○詢○澆○水○土○人○指○涓○涓○細○流○東○
南○入○沔○者○卽○是○則○澆○入○沔○合○流○而○東○其○爲○東○漢○水○其○源○流○甚○明○而○
其○上○流○又○出○分○水○嶺○以○東○之○水○穿○五○丁○峽○而○與○澆○合○常○氏○旣○附○會

澆水之名以爲東漢。又妄以沔出嶓冢。合白水爲西漢。是明與嶓冢導澆之文相悖。桑氏又析澆沔爲二條。其流迥別。至云澆合白水。羌水則與禹貢東流爲漢之文又不符合。今按通典。嶓冢山有二。一在天水上。邽一在漢中。金牛山。燕大記云。西漢水在西和縣。源出嶓冢山。西流與馬池水合。此乃上邽之嶓冢。在今秦州。又云。漢江源出沔縣。嶓冢山東流入金州。此乃金牛山即五岐之嶓冢。禹貢嶓冢導澆。乃沔縣之嶓冢。非秦州之嶓冢。知嶓冢有二。則東西二漢源流各自了然。澆之與沔本爲一流。與隴西之嶓冢都無交涉。常氏之誤。可不辨而明矣。沮水出武都東狼谷。東南流注漢水。經

此條在沔水下而此又云澆水出隴西嶓冢山東至武都沮縣爲漢水不惟兩漢水皆合於沮必無是理而澆水近在武都之嶓冢反遠引隴西之嶓冢東流至武都爲漢其誤總在以兩嶓冢爲一山故自爲矛盾如是酈氏於澆水條下又云通谷水出東北通溪上承漾水西南流爲西漢水則未嘗按脈察理而牽合桑氏之說以成其誤不知澆水實東南流無由西南流與嘉陵白水相合也山海經云嶓冢之山漢水出焉東南流注於沔郭璞云在武都氏道縣南蘇氏書傳云漢始出爲澆東南流爲沔至漢中東行爲漢皆謂東漢水也其嘉陵江自兩嶓略陽出陽平關至朝天峽南逕

廣元縣又南逕昭化縣白水江自階文來入之。酈氏所稱西漢水南入嘉陵道而爲嘉陵水。常氏所稱會白水經葭萌。桑氏所稱至廣魏與白水合。又至葭萌與羌水合者。皆謂西漢水也。黃氏曰抄云。漢水二源一出秦州天水縣。謂之西漢水。至恭州巴中縣入江。於唾巖一出大安軍三泉縣。謂之東漢水。至漢陽軍入江。觀此則二漢水源流益洞然矣。何紛紛聚訟爲哉。

耳聞不如目見。故後之說。禹貢者率遵先生此辨。

○書劍俠事

新城令崔懋以康熙戊辰往濟南至章邱西之新店遇一婦人可

先寫一個作陪

三十餘高髻如宮妝髻上加氈笠錦衣弓鞵結束爲急裝腰劍騎
黑衛極神駿婦人神采四射其行甚駛試問何人停騎漫應曰不
知何許人將往何處又漫應曰去處去頃刻東逝疾若飛隼崔云
惜赴郡匆匆未暇躡其蹤跡疑劍俠也從姪鶴因述萊陽王生言
順治初其縣役某解官銀數千兩赴濟南以木夾函之晚將宿逆
旅主人辭焉且言鎮西北里許有尼菴凡有行囊者皆往投宿因
導之往方入旅店時門外有男子著紅綃頭狀貌甚瘠至尼庵入

門有扉三開。東向牀榻甚設。北爲觀音大士殿。殿側有小門。扃焉。叩門久之。有老嫗出。應告以故。嫗云。但宿西廨。無妨。久之。持硃封。鑄山門而入。役相戒。勿寢。明燈燭。手弓刀以待。曙至三更。大風驟作。山門。巖然而闢。方愕然。相顧。倏聞呼門聲。甚厲。衆急持械。謀拒之。扉門已啓。視之。卽紅綃頭人也。徒手握束香。擲地。衆皆仆。比天曉。始甦。銀已亡矣。急往市。詢逆旅主人。主人曰。此人時遊市上。無敢誰何者。唯投尼庵。客輒無恙。今當往。愬耳。然尼異人。吾須自往求之。至則嫗出。問故。曰。非爲夜失官銀事耶。曰。然。入白頤之。尼出。嫗挾蒲團。跌坐。逆旅主人跪白前事。尼笑曰。此奴敢來作此狡獪。

罪合死。吾當爲一決。顧嫗入。牽一黑衛出。取劍背之。跨衛向南山。徑去。其行如飛。倏忽不見。市人集觀者數百人。移時。尼徒步。手人頭。驅衛返。驢背負木夾。函數千金。珠無所苦。入門呼役曰。來視汝木函夾。官封如故乎。驗之。良是。擲人頭地上。曰。視此賊。不錯殺却否。衆聚觀。果紅帽頭人也。羅拜謝去。比東歸。再往訪之。庵已空。無人矣。尼高髻盛妝。衣錦綺。行纏羅。歲年十八九。好女子也。市人云。尼三四年前。挾嫗俱來。不知何許人。嘗有惡少。夜入其室。腰斬擲垣外。自是無敢犯者。

何等高簡。何等氣韻。下視聊齋志異。殆如小兒啞嘔。世俗夢夢。

乃謂先生豔羨其書欲以千金置爲己作真可笑也

○書亳州女子王氏事

巡視南城監察御史阿爾賽舉與霖阮爾詢等題為曲全孝義以

在述本疏後次以詞皆在內

敦風化事該臣等看得王知禮卽恭寧牽連李範同之子李殿機

也其母張氏給配象房校尉王福殿機年甫三歲因冒王姓後充

校尉經變儀衛革退賣身廂紅旗佛爾海佐領下厄爾庫之家據

幼聘王氏稱係鳳陽府亳州人年三十四歲伊叔王中凡兄王邁

千逼嫁決志不從探得伊夫尙存守婦人從一之義匍匐千餘里

外誓圖完聚此女子真有丈夫行也據厄爾庫稱我本一窮巴牙

刺價買李殿機俱復復買蕭氏配為夫婦今重王氏節義情愿斷

出。又。不。忍。折。離。李。殿。機。已。配。之。婦。並。許。與。蕭。同。歸。輕。財。好。義。此。巴
牙。刺。真。有。義。士。風。也。據。范。一。魁。稱。年。六。十。二。歲。但。以。異。姓。人。攜。一
女。同。行。遂。涉。嫌。疑。事。千。非。分。因。喚。穩。婆。更。審。驗。過。已。得。真。實。處。女
之。供。是。范。一。魁。憐。王。氏。立。志。尋。夫。不。顧。是。非。成。敗。護。持。完。節。亦。人
情。所。難。此。皆。皇。上。至。德。深。仁。恩。濡。化。洽。人。心。風。俗。直。勸。唐。虞。是
以。女。子。懷。貞。匹。夫。嚮。義。播。之。海。內。傳。之。千。秋。知。盛。世。貞。節。之。風。超
出。往。昔。載。籍。之。外。如。此。臣。等。查。在。官。人。與。旗。人。原。有。定。例。何。敢。越
例。妄。請。但。王。氏。矢。志。守。節。冒。死。尋。夫。若。不。准。其。完。聚。王。氏。無。從。歸
蕃。情。事。可。憫。雖。據。厄。爾。庫。稱。情。愿。斷。出。聽。其。完。聚。然。又。非。現。行。之

例○臣○等○因○事○關○風○化○仰○體○皇○上○堯○舜○不○忍○一○夫○一○婦○不○得○其○所○
至○意○輒○敢○備○述○上○聞○格○外○之○仁○均○侯○睿○斷○云○云○事○下○禮○部○議○得○
李○殿○機○先○應○役○於○象○房○後○醫○身○於○旗○下○雖○無○放○出○爲○民○之○例○但○毫○
州○女○子○王○五○姐○逼○嫁○不○從○千○里○尋○夫○巴○牙○刺○厄○爾○庫○不○取○李○殿○機○
併○蕭○氏○身○價○情○愿○放○出○爲○民○應○令○李○殿○機○併○蕭○氏○等○准○其○出○旗○與○
王○氏○完○聚○仍○令○王○氏○母○家○給○與○貲○貽○俾○其○得○所○可○也○康○熙○二○十○八○
年○四○月○二○十○九○日○奉○旨○依○議○予○山○居○時○於○邸○鈔○見○此○疏○竊○嘆○王○
氏○以○未○嫁○之○弱○女○其○夫○幼○更○患○難○歷○三○十○載○生○死○契○濶○不○復○相○聞○
卽○叔○兄○勸○其○改○字○亦○非○悖○理○乃○崎○嶇○千○里○堅○貞○百○折○卒○成○其○志○奇○

哉。女子足魏世之鬚眉。丈夫多矣。至於厄爾庫。輕財利而慕義。范
一魁。信不。雖。金。真。皆。有。古。人。之。義。良。史。所。宜。大。書。特。書。者。不。可。
以。無。傳。焉。予。承。乏。中。丞。時。阮。侍。御。貽。以。全。疏。刊。本。因。節。錄。之。如。右。
奇。極。竊。心。餘。見。之。當。復。爲。賦。三。義。行。矣。

○ 劉孔和王遵坦傳 錄劉傳

○ 劉孔和字節之長山人故明大學士青岳先生鴻訓子先生天啓
○ 中以忤璫罷崇禎元年以少詹事起田閒與錢龍錫等五人同入
○ 相數爲上分別白黑其力固黨忌之居無何惠安伯張慶臻事起
○ 羣小媒孽竟謫戍雁門以死孔和少儻好談兵慕陳亮辛棄疾
○ 之爲人文章豪邁洞達詩尤奇恣崇禎末流賊自豫復入秦而
○ 太宗兵自喜峯口牆子嶺諸路南下兩薄畿輔連破齊魯諸郡縣
○ 孔和見天下已亂散財結密陰養死士山東河北輕俠皆歸之甲
○ 申三月賊陷京師賊權將軍某據濟南郡縣皆僞署官吏孔和部

勒寶客激以忠義皆涕泣距躍願殺賊爲故君報仇於是椎牛饗
士起兵長白山中有衆三千人執僞縣令徇於衆殺之傳檄旁縣
所禽戮僞令數人及聞天兵入關破賊孔和遂率兵南下過青州
欲挾衡王俱南王不可孔和痛哭辭去抵淮駐軍黃河北是時曹
州人劉澤清以東平伯關藩淮上陰忌其強令客說之使以兵屬
焉孔和貴公子性疎放謂澤清鄉里雅故屢恃舊恩狎侮澤清積
不堪且稍憚其威名陰欲圖之澤清武人不知書旣貴爲藩鎮好
爲詩往往詭示坐客一日高會酒酣出詩示客次至孔和孔和擲
不示大言曰國家舉淮東千里付足下今敵騎且暮飲江淮未聞

北○向○發○一○矢○而○沾○沾○言○詩○詩○卽○工○何○益○國○事○况○不○必○工○耶○澤○清○被○
酒○大○悲○按○案○起○一○座○震○懾○不○知○所○爲○孔○和○不○爲○動○拂○衣○徐○出○澤○清○
益○不○平○立○遣○將○士○二○十○輩○追○及○舟○中○拉○殺○之○一○軍○大○譁○散○歸○孔○和○
時○年○三○十○一○已○而○金○陵○命○下○以○爲○副○總○兵○官○則○孔○和○死○三○日○矣○孔○
和○長○八○尺○面○目○如○刻○畫○雙○目○炯○炯○射○人○如○電○望○之○類○羽○人○劍○客○平○
居○好○論○天○下○大○計○感○激○憤○發○鬚○髯○怒○張○嘗○賦○詩○云○并○無○殺○者○黃○江○
夏○豈○有○食○之○嚴○鄭○公○後○竟○死○澤○清○手○蓋○識○云○所○著○日○損○堂○詩○集○練○
要○堂○文○集○各○若○千○卷○多○可○傳○

此真可人寫次亦飛動

○ ○ 御史梁哲次先生傳

予順治中遊京師。求天下善士而友之。於同籍得三人焉。曰潁川劉公。賦體仁。長洲汪若文。琬。鄆陵梁曰緝。熙。公賦豪邁。任俠。若文孤陋。工文章。曰緝。長齋繡佛。不涉世事。蕭然內足於懷。三人者。性情不苟同。而皆與予交。莫逆。其後康熙己酉。別日緝於都下。庚戌。別公。識於淮浦。最後亡。未庚申間。與若文同在翰林。二載。又別去。自是三人者。遂皆不復相見。而余亦髮種種老矣。一日。日緝之子。培。書來。以予父執友。當序其遺集。且爲之傳。以信後世。追維夙昔。從遊之雅。琴書文酒。釣弋之適。一言一詠。以及嬉笑謔浪之語。歷

歷於心而三人者別去遠者已二十餘年近亦不下十四五年欲談往事而無復有知之者不亦悲哉作哲次先生傳

先生姓梁氏諱熙字曰緝哲次其別號也其先洪洞人始祖入公明初徙河南鄆陵遂家焉傳入世至雙樓公諱珂官周府典膳子敬菴公諱慎累贈兵部尚書有子四人次篆一公諱克順仕爲雲南道監察御史子濟一公諱廷杖皇贈雲南道監察御史卽先生祖若父也先生生世族幼不喜紉袴之習讀書好古視聲利蔑如也於詩嗜陶淵明少得句云明月生東隅清輝照北牀長老驚異十三歲補諸生第一文名籍甚會明之季流寇蹂中州河漢大

梁先生流離瑣尾。度河僑寄朝歌。覃懷閉亂。定始歸。舉順治三年鄉試。又十年成進士。出知西安之咸寧。誓於神。不以一錢自污。視民如子。治行冠三輔。會三原梁給事鉞疏劾。巡撫中丞某中丞以先生同姓。且同年也。疑之。詎知先生孤介廉靜。無所附麗。更嗟賞焉。官咸寧半載。減俸行取。入爲雲南道監察御史。是時

世祖章皇帝方重言路。臺省官皆矯尾厲角。務毛摯搏擊。爲名高。先生獨澹泊寧靜。下直輒焚香掃地。晏坐終日。如退院僧。暇卽與其友汪琬。劉體仁。董文驥。王士正輩出遊。豐臺草橋諸勝地。或會食浮屠老子之宮。諸子酒酣耳熱。辨難蠶起。各負氣不肯相下。先

生○默○坐○或○微○笑○不○發○一○語○偶○出○一○語○則○人○人○自○失○覺○我○言○爲○煩○如○
維○摩○默○然○須○菩○提○燕○坐○巖○中○者○先○生○固○號○內○典○於○三○藏○十○二○部○之○
書○無○不○研○究○而○於○楞○嚴○尤○了○悟○初○因○證○果○大○旨○每○過○其○居○邸○繩○牀○
藥○竈○外○唯○經○論○數○卷○而○已○雖○身○爲○宰○官○居○然○老○爛○頭○陀○也○先○生○嘗○
巡○視○茶○馬○於○秦○不○名○一○錢○或○以○爲○言○則○笑○曰○吾○籌○之○熟○矣○官○居○而○
謀○利○爲○子○孫○計○耳○子○孫○不○肖○而○居○厚○資○三○蠹○將○至○曰○博○徒○曰○倡○優○
曰○盜○賊○吾○懼○夫○三○蠹○之○爲○子○孫○憂○也○故○不○敢○也○在○京○師○日○懷○歸○田○
之○思○屬○長○洲○文○點○畫○江○村○讀○書○圖○見○志○予○輩○皆○爲○賦○詩○未○幾○謝○病○
歸○淄○川○高○侍○郎○念○東○贈○詩○云○燕○臺○襍○被○親○相○送○一○箇○嵩○邱○行○脚○僧○

蓋紀實云。歸田後。尤孤介自持。不接當事。同年王中丞巡撫河南。餽問亟至。一無所受。答書曰。生有癖性。酷愛古帖。亦昔人玩龍團。飲廷珪墨之意也。聞宋仲溫書蘭亭十三跋。摹於松江府亭。趙子昂書鐵佛寺鐘銘。在鶴沙報恩懺院。儻各損惠一通。敬拜賜矣。其雅操如此。先生於古文不多作。其有作。必合古人矩度。而於禪悅文字尤善論者。以爲有蘇文忠黃太史之風。或亦釋氏所謂結習者歟。嘗共讀杜詩。至分減二字。諸注皆不之及。先生謂出華嚴經。其淹博皆此類。先生生明天啓壬戌。卒康熙壬申。年七十二。有子。子埭。埭坦。採。今惟埭在。

王士正曰。世之爲儒者。多勤襲韓歐二子之說。力闢釋氏。自謂衛道。及考其生平。馳騫聲利。奔走權勢。老死不悟者。比比矣。其視蘧廬。天地浮雲。富貴者何如。富文忠從圓照得法。以龐蘊自居。趙清獻退處高齋。日須一僧對食。蘇文忠南遷。或夢僧伽送子。瞻過海。三公皆名臣大儒也。何獨於先生而疑之。

寫狀得眞人品出論亦中肯

明興安州知州復濱金公傳

公金氏諱之純字健之別字復濱楚廣濟人父楚濱先生諱鼎赤
隱居教授有二男子以長之鈇治樵藜之事而授經於公公兄弟
孝友故得肆力於學爲名士中萬厯乙卯舉人四上公車不第署
醴陵縣學諭再補浙川考最不次擢知興安州公之知興安也流
寇方橫秦豫間而所治當梁洋均房要害一旦寇傳城急攻公帶
劍登陴慷慨與家人訣誓與城存亡夜半忽大雨漢江漲濠水驟
添數尺賊遽舍去已而歲四薄城中糧且盡公間道遺蠟丸書
請救於遊擊將軍唐通通援至公夜半縋城與之合斫賊營柵殲

其深。固乃大解。於是恤死戰者。還俘畧者。歲稔疫作。給醫藥。設粥糜。死喪者。官爲殮之。民皆感泣。御史以功狀上。聞。朝議將以公知漢中府。而委積勞。遺疾卒。興安民。咸奔走如喪其私親。公卒。歲餘賊復至城。中人彷彿見公絳衣大冠立墀。現謂金公死不忘興安也。相與廟祀之。勿絕。公內行醇備。篤於友誼。兄歿。撫其子女。婚嫁如已出。叔父有孤孫鞠育之。養孀姑。終其身。而周旋。御史吳公裕中。廷杖一事。死生患難之際。尤爲人之所難。方天啓甲子。乙丑。以後。逆瑞虐焰不可嚮邇。而應山楊公二十四大罪之疏上。瑞怒。齒於楚人。吳公者。亦江夏人也。疏劾次輔丁紹軾。語侵瑞。瑞怒甚。

矯旨杖百。死杖下。親戚故舊皆竄匿。尸暴衢中。公毅然臨其喪。返其匿。三千里外。義不反顧。時人以爲郭亮董班之義。無以逾公也。妻李宜人。有節操。明於大義。當興安之圍。公將乘城。與宜人訣。宜人指後圃古井曰。公母內顧。吾得死所矣。必不辱公。旣閉關。踣喪于楚。歲時懸公遺像堂中。率二子哭奠。田不盈百畝。茅屋數椽。與兒子二人共之。遵公志也。教子如嚴君。次德嘉。壬戌冠南宮。入翰林。以文行知名。每言及宜人。母教輒流涕。公歿時。年僅四十一。論曰。公守興安。艱虞百折。卒全危城於百萬虎狼之口。可謂難矣。使公勿死而守漢中。漢中必全。然大廈旣傾。公卽不死。疾必死。綏

死○社○稷○死○漢○中○與○死○興○安○等○耳○當○逆○璫○時○公○不○負○其○友○幾○陷○黨○人○
之○禍○豈○任○封○疆○當○巨○寇○而○忍○負○吾○君○哉○公○爲○孝○廉○嘗○寫○宋○名○臣○言○
行○錄○類○分○之○爲○自○警○編○一○書○宜○其○大○節○卓○犖○如○此○矣○

逆從守興安敘起中閒敘周旋友難事亦用逆擊法最生動

○ 吳順恪六奇別傳

海寧孝廉查伊璜繼佐崇禎中名士也。嘗冬雪偶步門外見一丐避廡下貌殊異呼問曰聞市中有鐵丐者汝是否曰是曰能飲乎曰能引入發酌坐而對飲查已酩酊而丐殊無酒容衣以絮衣不謝徑去明年復遇之西湖放鶴亭下露肘跣行詢其衣曰入夏不須此已付酒家矣曰曾讀書識文字乎曰不讀書識字何至爲丐查奇其言爲具湯沐而衣履之詢其氏里曰吳姓六奇名東粵人問何以丐曰少好博盡敗其產故流轉江湖自念叩門乞食昔賢不免僕何人敢以爲汚查遽起捉其背曰吳生海內奇士我以酒

徒日之失吳生矣。雷與痛飲一月，厚資遣之。六奇者，家世湖陽祖。

○近○統○國○史○武○臣○傳○六○奇○名○列○其○中○則○六○奇○初○亦○爲○明○官○矣○

爲觀察以榜蒲故，遂爲婁人。慨歸粵，寄食充驛卒。稔知關河阨塞，

形勢會王師入粵，邇者執六奇。六奇曰：請得見大帥言事。既見，備

陳諸郡形勢，因請給遊徂數十，通散其土豪。所至郡縣壘壘皆下。

帥上其功，十年中累官至廣東水陸師提督。孝廉家居，久不記憶

前事。一旦有粵中牙將叩門請謁，致吳書問以三千金爲壽，邀致

入粵。水行三千里，供帳極盛。度梅嶺已，遣其子迎候。導左所過部

下將吏皆負簫抱弩，矢爲前驅。抵惠州，吳躬自出迎，導從雜沓，擬

於侯王。至戟門，則蒲伏泥首，登堂北而長跪。歷敘往事，無所忌諱。

入夜置酒高會。身行酒矣。歌舞妙麗。絲竹迭陳。諸將遞起爲壽。質明始罷。自是留止一載。裝累巨萬。復以三千金爲壽。錦綺珠貝。珊瑚犀象之屬。不可資計。查既歸。數年。值吳興私史之獄。牽連及之。吳抗疏爲之奏辯。獲免於難。初查在惠州幕府。一日遊後圃。圃有英石一峯。高二丈許。深賞異之。再往已失。此石問之。則以巨艦載至吳中矣。今石尙存。查氏之家。六奇後卒。官贈少保。兼太子太師。謚順恪。

查名士吳奇士先生佳文可稱三絕

李公正華傳云。順治末。東萊李御史森先巡按下江。誅鋤豪右。

有海忠介之風。申讒被連。吳民號泣攀送者數萬人。既登舟。僚屬皆在相視揮涕。正華最後至。攜一酒瓢。酌送侍御。慷慨言曰。吾曹期不愧天。口不愧朝廷。不愧百姓耳。成敗利鈍。造物司之。公今日之行。榮於登仙。諸君何至作楚囚對泣耶。侍御掀髯大笑。諸君改容謝之。

帶經堂集文錄卷二

山東新城王士正阮亭著 後學上高李祖陶欽之評點

新昌漆作霖豫園校刊

○○光祿大夫總督河道提督軍務兵部尚書兼都察院右副都御史謚文襄新公墓誌銘

康熙三十一年十一月十九日總督河道提督軍務兵部尚書新公勤勞王事卒於位。所司以聞。上震悼。恩卹有加。禮謚曰文襄。於是其孤兵部職方員外郎治豫等將奉公柩大葬於滿城縣之賜阡。既刻。王言於豐碑。蛟龍巖鳳。照耀萬古。用後國恩。又

謀刻隧道之石以屬不佞士正士正不得辭竊惟國家乘昌期之
運創大業則必有鴻駿非常之人名世間出以亮天功其力
先○下○贊○以○辨○德○篇
可以任大事其識可以決大疑其才可以成大功其忠誠可以結
主知定浮議卒使上下交孚功成名立而天下後世莫不信之
用能紀績惇史譽流無窮若靳公者是其人已按狀公諱輔紫
垣其先濟南歷城人也明洪武中始祖清以百戶從軍戍遼遂爲
遼陽人陣亡得世襲千戶數傳至守臣守臣生國卿國卿生應選
應官通政使司右參議卽公考也以公貴三世俱皇贈光祿大
夫總督河道提督軍務兵部尙書兼都察院右副都御史公生有

至性。九歲喪母。執禮如成人。年十九。入翰林。爲編修。朝章國故。已極博綜。遷兵部職方司郎中。通政使司右通政。遂進武英殿學士。兼禮部侍郎。康熙十年。特簡巡撫安徽等處會。

世祖章皇帝實錄成。加一品服俸。皖屬頻旱。民多流冗。公力求民瘼。歸者數千家。鳳陽田野多蕪不治。公上補救三疏。一曰募民開荒。二曰給本勸墾。三曰六年陞科。又上疏曰。致治之道。首在足民。足民有道。不在請賑蠲租。而在因民之力。教以生財之方。且鳳陽廣袤何如蘇松。蘇松地方三百里。財賦甲天下。鳳陽方五百里。而貢稅不及蘇松什一。雖地有肥磽。詎應縣絕如此。蓋蘇擅水利。小

港友河所在而是旱既有資。澇復有洩。雖雨暘稍愆。卒不爲患。大江以北。盡失溝洫之舊。稍遇水旱。卽同石田。今欲田無曠土。歲無凶年。莫如力行溝田之法。溝田者。古井田遺意也。然井田自畝至澮。淺深廣狹。法制繁重。溝田但鑿一溝。修浚甚易。其法以十畝爲一畦。二十畦爲一溝。以地三畝有奇爲二十畦中之經界。二十畦之外。圍以深溝。溝道廣丈八尺。溝廣一丈二尺。深七尺五寸。開溝之土。卽累溝道之上。使溝道高於田五尺。溝低於田七尺五寸。視溝道深一丈二尺五寸。澇則以田內之水車放溝中。旱則以溝中之水車灌田內。溝田一行。其利有四。水旱不虞。利一。溝洫旣通。水有

所。洩。下。流。不。憂。驟。漲。利。二。財。賦。有。所。出。利。三。經。界。既。正。無。隱。占。包。
賠。之。敝。利。四。疏。奏。方。下。部。議。舉。行。而。適。滇。閩。變。作。皖。居。三。楚。要。害。
其。南。欽。郡。逼。處。閩。疆。公。練。標。兵。募。鄉。勇。嚴。斥。埃。遠。偵。探。武。備。大。振。
巨。寇。宋。標。者。踞。欽。郡。山。中。爲。亂。聲。撼。遠。近。以。奇。計。禽。之。於。巢。湖。上。
流。以。安。部。議。省。驛。遞。之。費。以。佐。軍。餉。事。下。直。省。巡。撫。條。議。公。疏。謂。
省。費。莫。先。省。事。今。督。撫。提。鎮。每。事。必。專。員。馳。奏。糜。費。孔。多。計。惟。事。
關。軍。機。必。用。專。騎。馳。奏。餘。悉。彙。奏。以。三。事。爲。率。是。一。騎。足。供。三。事。
之。役。矣。議。上。著。爲。令。歲。省。驛。遞。金。錢。百。餘。萬。兩。加。兵。部。尙。書。十。六。
年。河。決。江。淮。閒。上。稔。公。才。特。命。移。皖。江。之。節。以。原。官。總。

督河道時河道大壞自蕭縣以下黃水四潰不復歸海決於北者
橫流宿遷沐陽海州安東等州縣決於南者滙洪澤湖轉決下河
七州縣清口運道盡塞公上下千里泥行相度喟然曰河之壞極
矣是未可以尺寸治之也審全局於胸中徹首尾而治之庶有瘳
乎遂以經理河工事宜條爲八疏奏之大畧謂事有當師古者有
當酌今者有當分別先後者有當一時並舉者而大旨以因勢利
導爲主廷議以軍興饑絀難之姑令量修要害公又疏言清江浦
以下不濬不築則黃淮無歸清口以上不鑿引河則淮流不暢高
堰之決口不盡封塞則淮分而刷沙不力黃必內灌而下流清水

潭亦危且黃河之南岸不隄則高堰仍有隱憂北岸不隄則山以東必遭衝潰故築隄岸疏下流塞決口但有先後無緩急今不爲一勞永逸之計年年築塞年年潰敗往鑒昭然不惟勞民傷財迄無所底而河事且壞疏上廷議如前

上以河道關係重大併下前後廷議使再具奏公乃備陳利害

上悉如所請已又疏

請河之兩岸設減水壩使暴漲隨減不至傷隄

上復俞之蓋

上深知公忠果沈毅可任大事故排羣議而用之公感激知遇仰乘廟謨不憚胼胝不辭難鉅不恤恩怨不數年黃淮兩河悉歸故道漕運以通清水潭工淮揚閒號稱首險蓋全淮之水挾黃

河倒灌之水自高堰決入高寶兩湖轉決於此爲下河七縣受水門戶屢塞屢決至勞宵旰者累年公越潭避險從淺所築隄遂用底績先是大司空估計潭工非六十萬不可至於費僅十萬而功成省水衡錢巨萬又請裁冗員專責成嚴賞罰改河夫爲兵領以武弁凡採柳運料下埽勸楛增卑修薄諸務畫地分疆日稽月考著爲令甲而諉卸中飽諸弊悉絕凡公所爲懲因循謀經久皆此類也十七年冬疏報湖河決口盡行閉合

上嘉悅優詔批答

囊勉有加先是南北雨運口乃漕艘必由之道而運與黃通時爲河飽歲須挑浚官民交病北口舊在徐州之留城東徙宿遷之阜

河且三百里。黃河一漲時苦淤澱。公於阜河迤東挑河二十里。以東運河之水。又謂凡水性下行一里當低一寸。使新河高於黃河二尺。則黃不能入運。而南口則移其闕於淮內。使全受淮水。淮清黃濁沙不得停。卽或黃強淮弱。灌必不久。淮水一發淤卽洮汰。無餘兩運口。旣治數百年。夙害頓除。又謂水性本柔。乘風則剛。板石諸工力不能禦。乃於洪澤湖增築坦坡。殺水之怒。以衛隄。復督河官沿河植柳。以備埽。而固堤。堤乃益堅。埽不遠購。防河之法至是大備。二十三年。車駕南巡視河。天顏有喜。御書閱河隄詩一章。賜公及佳哈御舟。上用帷幙。皆異數也。黃淮兩河旣歸故道。

於是疏請開中河三百里專導山東之水。初山東沂泗汶沭諸水。一當暴漲。漂溺宿桃清山安沐海七縣民田無算。且滙入黃河。黃水益怒。益以淮水三瀆爭流。以趨清口。上流橫潰。則下流益緩。緩則益淤。而上流愈潰。又漕艘道出黃河二百里。涉風濤不測之險。買夫輓溜。費且不訾。中河既成。殺黃河之勢。灑七邑之災。漕艘揚帆。若過枕席。說者謂中河之役。爲國家百世之利。功不在宋禮。開會通陳瑄鑿清江浦。下云公治河首尾十年。決排疏淪。因勢利導。使三瀆各得其所。而河以大治。二十六年。詔問治淮揚下河之策。公持議謂治下河當先治上河。與羣議異。言者蠶起。公遂罷。

二十八年春

上再南巡視河。公迎於淮安。

上顧問河工

善後事宜甚悉。

詔旨復公官。以原品致仕。有實心任事之褒。公

家居三載。

上念公不忘。凡三命閱河。一賜名對。三十一年

特旨起公田閒。以原官總督河道。以老病辭。不許。會陝西西鳳二

府災有

旨截畱南漕二十萬石。汴河而上。備貯蒲州。以賑秦民。

仍命公董其役。公不敢復辭。力疾就道。

上念公老病。再賜

佳哈櫺舟。以旌異之。公至。卽經畫西運。周詳曲至。自清河至滎澤。

以達三門底柱。安流無恙。始終不役一夫。而事集。西運將竣。遂以

病狀疏聞。

特命公長子治豫。馳驛省視。而命公歸淮。上調理時

公病已劇。猶疏陳兩河善後之策。及河工守成事宜。幾萬言。又請
豁開河築隄廢田之糧。并清淤出成熟地畝之賦。上特命大學
士張公玉書尚書圖納。公尙書熊公賜履。前後往相度清釐之。尋
復以病求罷。上猶不許。而命治豫往視疾。未至。再疏求罷。始得
請。則公以是日考終。官舍矣。實康熙三十一年十一月十九日也。
遺疏上聞。上臨軒嘆息。靈輜旣歸。特命入都城返厝其家。
前此所未有也。命大臣侍衛奠酒賜茶。命禮部議賜祭葬。
命內閣議易名。賜謚文襄。飭終之典。一時無兩。嗚呼。公於君臣遇
合之際。以功名靖獻。以恩禮始終。得於天者。可謂厚矣。公著治河

書十二卷。前後疏奏若干卷。嘗論古今治河成敗之故。畧曰。今經

特以此論以制示後人。蓋不為

生言河事。莫不侈言議三策。愚以爲不然。讓上策欲徙冀州之民。

自宋時河徙。已非漢之故道。申策多張水門。早則開東方下水門。

以溉冀州。水則開西方高門。以分河流。不知黃河所經。卑卽淤高。

數年之後。水從何放。且禹貢言九州。旣陂。所謂陂卽今之堤也。蓋

水流甚平。而地勢有高下。使非築堤約束。水經由卑地。能不漫潰。

乎。讓爲繕完故堤。增卑培薄。乃爲下策。是故與禹貢相反。讓之智

願出神禹上哉。其持論如此。故公治河。盡矯讓言。專主築隄。東水

功。乃告成。其詳具載治河書後。之人可考。按而得公之用心。與其

所以底績者亦千古河防之龜鑒也。公天性孝友，事通政公無唾
褻，跛倚世父副使司公彥，選無子，喪葬盡禮。從伯父承選歿，遺一
孤子，延師訓之，爲完婚娶，謀生產，愛弟郎中弼，南安知府襄，不殊
一身，撫弟子如子。居家嚴肅，儼若朝典，作宗譜家訓，俾子姓世守
之，仕稍貴，卽建家廟。凡吉凶祭葬幣祝日時之儀，皆斟酌古禮，參
互於司馬文正公、朱文公之說，著之家乘。平生不苟言笑，一言之
出，終身可復行。己齊家類多可書，不具論。論其大者而功名尤在
治河一事，其利益在國家，其德澤在生民。卒之食少事多，鞠躬
盡瘁。古所謂社稷臣，公無愧矣。公生於天聰七年癸酉，卒於康熙

三十一年壬申得年六十元配楊氏累贈一品夫人繼配白氏累贈一品夫人子四治豫兵部職方清吏司員外郎兼管佐領治雍渾源州知州治魯八品官治齊教諭女二適高某朱某孫入木樹基樹喬樹滋樹畹樹玉樹德樹功廣寧曾孫一人系之銘曰

黃河萬里來崑崙下。歷積石經龍門。決排疏淪禹績存。九川從此乃滌源。漢歌瓠子淇竹殫。沈馬玉璧勞至尊。大河日徙東南奔波濤。沸鬱愁魚鼉。帝命寶臣康厥屯。乘樁蹈毳忘朝飧。河伯效靈波。云河淮不復憂清渾。揚徐千里禾稼繁。漕艘百萬如騰騫。維帝念公錫便蕃。功成十載德弗誼。公騎箕尾民煩冤。巷哭過車。

手舉幡黃腸祕器。賜東園豐碑金粟開高原。天祿辟邪左右蹲。雲車風馬無朝昏。山重水掩安且敦。千秋萬世宜子孫。

文襄爲本朝第一能臣其治河奏績較之有明潘公季馴有過之無不及也此文極力發揮而步步有法亦悉心結構之文

○承德郎大理寺左寺副前翰林院侍講邱公墓誌銘

公邱氏諱象升字曙戒世爲山陽人曾王父嵩縣諸生王父廩

皇贈朝議大夫父俊孫明崇禎癸未進士歷官山西布政使司分
守冀寧道右參政母張淑人公參政公第三子幼而聰警日讀書
盈寸年十五爲諸生遭兵亂與家人相失逃歸夜陷湖中浮沈數
里不死若有神助亂定益發憤讀書及詩歌古文皆有神解與
弟象隨齊名號爲二邱順治辛卯貢入太學甲午中順天鄉試明
年乙未成進士改內翰林宏文院庶吉士御試屢在高等賜宴
賜衣寵賚甚厚丁酉授編修戊戌會試爲同考官所得二十有八

人率當世名士。己亥進侍講。庚子三月。以才堪外任。調瓊州府通判。去禁近。就冗散。又涉海萬里。冒風濤不測之險。人皆爲公惜之。而公夷然。旣之官。道出徐聞縣。縣防兵以餉不至。大譁城門。盡閉。公直前諭之曰。我瓊州別駕也。適自省會來。藩司給餉。且至。汝曹姑待三日。則士飽馬騰。孰與逆行。干紀相率而受赤族之誅乎。吾勉爲若輩待餉。至然後發耳。逆叩關入使者。署弛裝。隊士卒聞公言。遂解甲以聽。亡何餉果至。官弁兵民泣拜於途。曰。公活我瓊州。職司撫黎黎。會恃險遠。數梗王化。公曰。是不可以文諭而惠結也。密檄民兵。簡其精銳。自將以出黎。出不意皆大驚。鳥獸散。禽斬首。

亂數人餘悉懾服。瓊賦舊越海解藩庫。瓊餉復由藩司撥給。往返數千里。兵民交病。公建議以爲反、手、便、是、璽瓊之賦餉。瓊之兵其事便遂著。爲令至今行之。平南王駐粵。藩人橫甚。督撫太吏以下亡敢誰何者。適檄公攝廣州海防事。企某者尙氏婿也。爲藩翼總兵官。慕公名。願納交。公亦深與相結。久益狎。乃乘閒說之曰。公爲名藩上佐。又貴爲王塔奉。天子命久鎮東粵。粵民望公如父母。今粵之奸猾不逞。憑籍藩下。以良民爲魚肉。而供其刀俎利歸此輩。而王及公等皆負惡名。不佞誠爲公惜之。金愀然變色。前請曰。某聞盧不一及此。然且奈何。公曰。是易耳。公誠聞於王。廉渠魁數人誅之。解散。

其黨一灑藩下之恥。粵民德王兼德公事在反手。聞耳金起謝曰。微公吾不聞此言。於是啓王下令。凡民間被旗害者。以告。竟其獄。論者十人。鞭三十六人。笞四十三人。還民田廬。畜牧無算。廣人大說。或詣公謝。則曰。此王之德。金公之力。吾何與焉。尋奉裁缺之命。歸里。丙午。補武昌府通判。會有逼城民變之事。通城武昌下邑也。明末。疊罹寇亂。令張起者。徵舊逋。鞭扑旁午。民不堪命。於是崇仙修竹梓木三里之民。攘臂而起。大呼薄城。令逃匿。巡撫中丞聞變。集議於庭。亟曰。發兵擊之。便公獨曰。不然。通城民困久矣。本年條銀南漕二米。一時並徵。民力已不支。况重以積逋乎。令奉行無

狀○敲○扑○繫○累○草○菅○民○命○愚○民○無○告○故○挺○而○走○險○寄○之○則○皆○赤○子○也○
宜○遣○一○文○吏○單○騎○往○諭○以○朝○廷○德○意○不○治○已○往○可○不○崇○朝○而○定○

何○張○皇○爲○中○丞○曰○善○是○無○逾○君○者○公○受○命○冒○雪○賂○道○而○馳○未○至○三○

絕○類○蓋○此○法○古○今○相○傳○但○非○其○人○不○能○行○耳○

十○里○乘○輿○張○蓋○徐○傳○呼○至○城○下○諭○之○曰○吾○奉○中○丞○命○來○活○汝○曹○汝○
曹○知○之○乎○抗○賦○干○紀○法○無○赦○但○念○汝○曹○迫○酷○吏○情○非○得○已○姑○貸○汝○
死○自○今○日○以○前○無○知○觸○法○皆○弗○聽○治○汝○曹○宜○前○被○自○新○以○稱○中○丞○
矜○全○至○意○若○怙○惡○不○悛○大○兵○至○無○噍○類○矣○通○民○初○猶○疑○貳○公○爲○文○
普○城○隍○之○神○通○民○聞○之○皆○流○涕○諸○公○稽○首○謝○曰○天○幸○賜○公○活○吾○僂○
小○人○之○命○公○又○請○於○中○丞○緩○其○征○輸○民○益○大○喜○過○望○是○役○也○所○全○

活凡數千人。庚戌以內艱歸。戊午起補大理寺左寺副。吳逆倡亂。滇中軍民爲所煽惑。有逃人五十等。悔悟自歸。部議以叛逆論。事下三法司。公引律逃叛自首。及能還歸。減罪二等之文。爭之力。且曰。方賊跳梁時。良民脅從者眾。若絕其歸命之誠。而不開以自新之路。彼知歸必死。益堅爲賊耳。是資寇兵。非計之得也。眾聽公言。明日駁正上。制曰。可。因著爲例。旗人有與父異居。而鄰人通其後母者。父不能制。憤語其子曰。爲我手刃之。子受命殺人。而自歸。有司有司。論極刑。公持之曰。春秋書夫人孫於齊。不稱姜氏。絕不爲親禮也。夫絕不爲親。卽凡人耳。子思子曰。爲伋也。妻者爲自也。

母不爲伋也。妻者不爲白也。母某從父治命，手刃父讐，自拘司敗，而以大逆傳重辟，其無乃非春秋之義乎？遂以兩議上。詔特原之。大學士高陽李文勤公嘆曰：「朝廷須用經術士，于邱君見之矣。」壬戌，公念參政公春秋高，以病請歸省侍。子舍者五年，丙寅參政公寢養南終制，而公病遂不起。年甫六十，有一京師士大夫聞者，皆太息以爲未竟其用也。公事二親至孝，與弟官洗象隨，尤友愛。以文章道德相師友，白首無違言。甥王侃早失怙，誨之讀書，成立。又倡諸弟建宗祠，以終參政公志。其睦於族黨，皆類此。與人交，不以生死易心。錢塘胡介歿，有寡女，不遠千里，歲賜卹之久，而不衰。

既病猶較刊。漸應昇張養重遺集。刻成慨然曰。吾乃今可報亡友於地下矣。公戊戌所得士。如吏部侍郎王君封。翰林侍講譚君象。給事中姚君祖頊。王君追騏。吏部員外郎崔君爾仰等。皆爲世聞人。而上蔡張沐。以理學起中州。號爲大儒。其他以文學知名。如巖。肩。肇。向。大。觀。史。尙。轍。俞。灝。輩。指。不。勝。屈。故。世。以。公。爲。知。人。所。著。鼓。音。入。燕。嶺。海。白。雲。草。堂。諸。集。多。至。數。十。卷。生。以。明。崇。禎。己。巳。七。月。二。十。二。日。卒。以。康。熙。己。巳。十。一。月。初。三。日。階。承。德。郎。官。大。理。寺。左。寺。副。前。翰。林。院。侍。講。娶。楊。氏。封。安。人。子。七。人。達。過。邁。遠。迴。述。迪。過。出。爲。允。後。邁。嗣。爲。官。洗。子。達。遠。皆。早。卒。女。子。六。人。適。楊。雲。李。師。

翔周雲書劉繼祖喬崇烈周允學予與公同年論交最久在詞林
又于公爲後進宮洗以狀求請銘言念生平不覺出涕銘曰
登車不落爲著作公才早達乃獲落遠浮南溟化鯨鱗單車談笑
安荆鄂久以干將試盤錯入爲法官尤諤諤丹筆平反恥畫諾始
爲龍摠終屈蠖淮水湯湯氣磅礴天降玉棺非石槨昌厥後人增
式廓

此君到處皆有可觀敘次亦極精采中寫說尙某一節大奇明
史楊一清傳同此文法

○○霜臯先生墓誌銘

予少讀宋遺民錄。所述唐林二義士。謝臯父龔聖。予諸人事蹟。率
嶽崎磊落。志潔行芳。或時托文章以自見。大抵悲憤嗚咽。無聊不
平。能使風雲爲之變色。江海爲之立起。輒卷書太息。以爲有宋三
百年。忠厚養士之報如此。而忠臣義士之用心。至是可謂極矣。順
治末。客淮南。偶得崇禎遺錄一書。讀之。心疑其爲宋遺民之流久
之。乃知爲霜臯先生作也。霜臯先生姓王氏。諱世德。字克承。始祖
玉明。洪武中。自無錫遷北平。從靖難之師。陣亡白溝河。世襲錦衣
衛指揮僉事。父炳。本生父燿。先生少襲世職。常居禁中。宿衛大朝。

得侍仗下。糾儀號貴近。而錦衣衛職司。糾察自紀綱門達。諸人已來。多威福自恣。大憝市猾。因緣爲奸利。屢興大獄。至末流未已。先生獨心惡之。遷卒告密。輒寢罷。崇禎末。天下大亂。人主孤立於上。朝臣方持門戶。競爲朋黨。不復以國事爲意。先生慨然謂人曰。今天下有大弊四。戡亂保邦。須經濟才。制科以虛文取之。所取非所用。弊一。廷臣日以門戶恩讐相傾軋。賢者不免。弊二。右文左武。刀筆吏得持將帥短長。弊三。三營官軍。詭計糜餉者什八九。倉卒有變。不知何以待之。弊四。將士蓄極言不果。平居鬱鬱不自得。一夕夢天子授節鉞。出國門。甲騎萬餘。旌鼓吹震耀數十里。軍容甚

盛○自○擐○甲○躍○馬○而○馳○馬○蹶○驚○寤○寤○發○於○左○股○血○流○不○止○其○義○烈○發○憤○如○是○甲○申○三○月○賊○李○自○成○陷○京○師○先○生○方○徵○巡○北○城○拔○刀○將○引○決○僕○楊○坤○抱○持○奪○刀○挽○馬○趨○金○剛○寺○是○時○先○生○妻○魏○恭○人○已○率○諸○婦○女○赴○井○死○以○長○子○潔○匿○寺○中○僧○大○門○者○素○善○先○生○相○持○而○哭○以○僧○服○進○遂○祝○髮○間○道○奔○淮○南○僑○居○安○宜○與○梁○鶴○林○以○樟○卜○隣○偕○隱○所○與○遊○皆○逸○民○高○衲○嘗○憤○野○史○誣○罔○不○可○傳○信○後○世○歆○歔○扼○腕○奮○筆○作○崇○禎○遺○錄○一○卷○自○序○曰○先○帝○以○仁○儉○英○敏○之○主○遭○家○不○造○憂○勤○十○七○載○卒○以○國○亡○嗚○呼○天○乎○其○人○耶○臣○小○臣○日○侍○左○右○知○禍○所○從○來○非○無○故○矣○上○卽○位○誅○逆○璫○斥○宦○官○虛○心○委○任○儒○臣○而○所○謂○儒○

臣者率庸劣狡橫。唯知背公死黨。致疆場日蹙。盜賊蠡起。環顧中外。一無足恃。於是破格用人。求奇才以圖匡濟。卽有一二可用之人才。而門戶膠牢。不可破解。如其黨力護持之。非其黨。縱才有可用。必多方排陷。置之死地。而國家安危。曾莫之惜。使天子循眾議。以用人。既不效。排眾議。以用人。又不效。朝用一人。夕而敗矣。夕用一人。朝而戮矣。輾轉相循。賊勢已熾。天子孑然孤立。旁皇無所措。而宗社隨之。嗚呼。家國淪亡。誰之罪歟。每召對大臣。竊聞天語。諮詢天下大計。諸臣非慚汗不能對。卽離齟。舉老生常談。塞責間有。一二忠鯁。敢言又迂疎不識時務。不可用。臣竊恨之。且夫魏璠竊

國柄威震天下。先帝春秋方十七。不大聲色。手翦除之。此固非中
主所可及。畏天災。遵祖訓。勤經筵。察吏治。求民瘼。未嘗一日自暇
逸。使君臣一德。相將協恭。卽太平不難致。不幸有君無臣。卒之躬
殉社稷。中宮就繼。公主手刃。從來死國之烈。未有過于先帝。亡國
之痛。未有痛于先帝者也。乃失身不肖之徒。自顧不免清議。肆爲
誹謗。或曰。寵田妃任宦官。以致亡。或曰。貪利惜財。以致亡。或曰。
好自用。以致亡。舉亡國之咎。歸之君父。冀寬己誤國之罪。轉相告
語。且筆之書。以欺天下後世之耳目。臣用是切齒腐心。深懼實錄
無存。後世將有與失德之主同類。並譏者矣。故錄所見聞。凡野史

謬者正之。遺者補之。聊備實錄。萬一庶流言邪說。不得肆其誣。異時史筆。或有取焉。蓋先生一生之志。畢託是書。康熙十八年。詔修明史。徵遺書四方。有司錄其副。上史館。先生之歿也。次子源。以手藁殉葬。嗚呼。可以曠矣。生萬曆癸丑卒。大清康熙癸酉。壽八十有一。配徐贈恭人。繼魏封恭人。繼蕭子二。潔生員。前卒。源。康熙癸酉順天舉人。以古文名。孫一某。先生嘗爲金吾。宜稱官。今稱霜臯先生者。先生隱安宜。以霜臯名。其居嘗以自號。從先生志也。系之銘曰。

生於燕。老於楚。返葬青門。爰得我所。後世讀其書者。或以爲冬青。

之霽山過其藏者或以爲汝社之臯羽

專提其所著崇禎遺錄一書作主前寫生平須眉如見後全載其自序慷慨淋漓而已更不參一解其文之有體要如是

○文林郎內閣中書舍人管典籍事馮君太木墓誌銘

康熙庚辰馮君太木卒於京邸。余哭之時過而悲。嗣是數往來安。德望君之廬。未嘗不腹悲也。昔秦少遊死。東坡先生嘆世無復有如此人。大木死。世豈復有如此人哉。丁亥冬杪。其孤炎來告葬期。且請書其隧道之石。予方病困甚。言念平生。不忍例辭。乃伏枕畧述君之梗槩而銘之。以代楚些。云。按狀。君諱廷樾。大木其字。先世萊州。卽墨人。曾祖仲選。祖嘉禎。父沛。順治辛卯舉人。不仕。卒。君幼號奇童。讀書一覽輒誦于口。強記不忘。十五工爲制科之文。五經三史莊騷以下四庫二氏之書。無弗瀏覽。於是落筆輒絀其輩行。

亡敢當者。康熙戊午舉鄉試第六人。壬戌賜進士出身。君文詞瞻博。又善撫趙。承旨書時論。以爲闕望。無以踰君。曾有尼之者。竟真二甲。及館選。以名士薦者五十人。復不及君。君于是浩然有歸志矣。又三年。授內閣中書舍人。官閑無事。儻值稀少。益取古人書枕籍讀之。足跡踽踽。終歲不識貴人之門。性孤峭。益甚。而詩文亦益奇。丁卯典湖南鄉試。所取多振奇服古之士。居然楚之雄風也。旣撤棘。蠟屐筇杖登黃鶴樓。俯江漢之流。眺內方大別諸山。南望瀟湘洞庭。慨然遠想。有詩百餘篇。識者以爲騷之苗裔。今所傳晴川集是也。尋以次久掌典籍事。宅繼母郭憂。泣血三年。毀幾滅性。人

稱篤孝居火之強起補舊職量移曹郎有日矣一夕與友人會飲
即舍歡甚丙夜容皆去君始就寢明日日高不起其僕啓戶視之
君卒矣君生平鬱鬱然慕古近狂不屑不潔近狷與人少可而多
怪非其人雖比屋不相往來苟其道誼契合推心置人腹坦然無
機械無町畦而內行純備潔脩自好尤爲士君子之所難獨不能
窺梯閃揄以媚世而詭遇耳語云寶劍不可刈非古鼎不可挂車
其所挾持者非也譬輿人造車而方其輪欲以致千里得乎計倪
曰有高世之才必有負俗之累于君益信顧人忌之天亦忌之使
之頗領後世年甫及艾以死此則太史公所致于天道是非者也

君之文清迥絕俗。歌詩尤超逸。似不從人閒來。余爲刊削存尙數百篇。其友人李子田子將謀刻之。其必傳于後不疑。君卒以康熙三十九年九月十七日。年五十有二。娶李氏子一人。炎。今將以康熙四十七年三月三日。葬曹村之阡。銘曰。

雲○中○白○鶴○兮○警○露○高○翔○。下○視○雞○鶩○兮○爭○趨○稻○梁○。幽○蘭○空○谷○兮○無○人○。自○芳○菡○萏○雜○糝○兮○羅○生○北○堂○。巫○咸○上○天○兮○天○道○茫○茫○。孰○辨○彭○殤○文○塚○幽○幽○兮○上○燭○星○芒○。嗟○嗟○馮○君○兮○德○音○不○忘○。

予最喜此種人銘亦可以續騷

。救封文林郎翰林院編修前西寧縣行取知縣任菴王公墓

誌銘

公王氏諱鉞字仲威號任菴青州諸城縣人也自其始祖庠居城北相州鎮東巷人稱東巷王家庠曾孫績治易爲大學生是爲公會王考大學生通議公允升是爲公王考通議生子四其季正議公恢基公考也妣周太夫人正議生子三公其仲子伯兄鏌順治六年進士仕至江南布政使司布政使兩世考妣皆以鏌貴贈封如其官公少兄二歲出應試名輒相亞明季遭世亂公兄弟奉母避地航海至淮安之廟灣備歷艱險逾年移匿山村夜猝遇劫盜

數十人。公與從父諸昆。皆儉僕。殊死戰。公配隋安人。因得乘閒扶掖太夫人。踰重垣。伏山澗。以免入。本朝順治十四年。舉于鄉。明年戊戌中會試。己亥釋褐禮部。需次當爲郡理官。時伯兄方宦遊。周太夫人雅不喜遠適。公決志畱養。不赴選。人歲甲辰。伯兄卒。官又二年。周太夫人歿。服除。歲己酉。始謁選。部用新例。改知西寧縣。蓋自公成進士。至是已十一年矣。西寧。粵西鄙。重巒深箐。狼狽雜居。其俗尙鬼。而輕生。不習禮讓。以婚訟爲能。自公之至。摩揉涵濡。一革其舊。在縣八年。訟庭闕寂。人嫻詩書。民樂有慈母。士欣得良師焉。未幾而三藩之難作。三藩者。吳三桂。耿仲明。尚可喜。三人者。

▷▷特▷提▷▷▷

○詳叙原委爲後公言嘆平且在此

勅曰○朕○共○事○亦○不○可○不○記○之○以○示○復○入

皆故明將歸。本朝皆以功封王。三桂王滇爲平西。仲明王閩爲靖南。可喜王粵爲平南。而可喜長子之信。兇悍有才畧。以計令左右。風可喜請老而歸。王位於之信。之信旣得位。益肆狂悖。可喜不能堪。用容金光計。上書願歸耕遼陽以避之。信旣廷議。令之信同徙。金光等遂諷之信復歸位其父。而朝議令平西靖南兩王質子。風其父如平南。於是平西王吳三桂遂稱兵反事聞。朝廷馳使止平南靖南俾勿遷。時三桂之使。日夕在二王所。從與二王反。當是時。靖南王仲明暨子繼茂已前死。孫精忠嗣王。叛應之。獨可喜守臣節不變。上褒異之。益重其事。權晉封親王。督撫以下皆聽。

節制。顧金光者。居申用事。久爲可喜。所倚信益。援引市井。亡賴黃
掌。絲鞮布列中外。招權納賄。易置文武將吏。重失人望。又爲可喜。
草密疏發之。信罪狀請以。女子之孝爲世嗣之信。積不平。乃佯爲
不知者。愈厚結其下。可喜不察。更憐之。可喜故嗜利之孝。頗近儒
雅。願性鄙。膏過于父。于是諸將多歸心之。信歲甲寅。劉進忠孫延
齡相繼反。六月延齡陷梧州。明年秋高州之難。作未半載之信。遂
叛降三桂。延齡之陷梧州也。按上段西寧距梧八十里。順流下半日。可達
梧鎮。帥班際盛駐兵水口。欲移師避寇。公故與際盛善。移書極言
梧爲東粵咽喉。無梧是無東粵也。將軍今日退一步。明日肇慶以

東○皆○不○守○長○驅○至○會○城○憂○且○及○將○軍○家○室○又○云○愚○觀○西○兵○之○來○無○
持○久○計○不○過○以○梧○守○楊○某○納○款○累○日○運○輜○重○入○舟○戀○棧○之○情○已○見○
不○日○且○西○走○少○需○之○吾○兵○大○集○梧○城○可○復○也○際○盛○然○之○相○距○二○十○
餘○日○賊○兵○退○去○如○公○言○方○梧○州○初○陷○公○繕○治○城○守○具○賊○陳○四○者○引○
軍○寇○西○寧○先○使○諜○持○僞○劄○至○知○有○備○乃○離○城○三○十○里○屯○月○峒○五○日○
會○梧○州○賊○退○始○遁○去○公○于○是○以○治○最○膺○薦○行○取○明○年○二○月○解○印○行○
有○日○矣○可○喜○忽○具○疏○請○畱○行○取○官○公○度○之○信○必○反○可○喜○不○能○制○苟○
濡○滯○則○禍○不○旋○踵○遂○移○疾○歸○越○一○年○之○信○果○劫○其○父○以○叛○可○喜○以○
憂○死○後○之○信○復○自○歸○本○朝○爲○其○母○所○告○伏○誅○人○咸○服○公○幾○先○之○

哲○堅○貞○之○操○不○啻○唐○甄○濟○云○公○之○言○曰○三○藩○之○遷○原○其○始○由○尙○氏○

持此以見廷議之失

父○子○蠱○生○姦○人○乘○隙○構○難○閩○粵○交○誑○滇○黔○鼎○沸○雖○釜○魚○檻○獸○終○無
能○爲○然○寓○內○財○力○坐○以○耗○竭○非○數○十○年○培○養○元○氣○未○易○復○也○且○彼
能○作○賊○者○獨○三○桂○爾○然○已○老○第○姑○徐○之○更○四○三○年○三○桂○死○其○他○兒
女○子○輩○可○折○箠○使○也○嗚○呼○此○殆○篤○論○也○與○公○既○歸○杜○門○謝○客○日○督
課○諸○子○弟○治○經○生○家○言○有○及○門○者○爲○之○講○肄○疏○示○無○倦○好○賙○恤○親
族○以○急○來○告○取○之○如○寄○內○行○悖○篤○與○物○無○忤○族○鄰○之○閒○推○長○德○者
于○公○無○閒○言○晚○亦○博○綜○載○籍○於○學○無○所○不○窺○歲○戊○午○詔○舉○博○學
宏○詞○公○名○在○薦○中○辭○不○赴○家○居○三○十○餘○年○耽○靜○樂○善○所○著○有○水○西

紀畧粵游日記、星餘筆記、讀書叢殘、暑臆臆說、朱子語類纂、世德堂詩文集各若干卷、以康熙四十一年十二月初四日卒、距其生天啓三年三月初二日、得年八十有一、以子沛思封翰林院編修、配隋氏、封安人、先公歿、子四人、沛思長子也、舉丁巳鄉試第一、己未進士、入翰林、累遷至左春坊中允、兼翰林院編修、充皇太子講官、沛懋貢監生、候選州同知、沛愷甲子舉人、福建漳州府同知、沛愷丁卯舉人、候選知縣、女二人、一適孫濂、一適李華之、丙辰進士、湖廣按察使、孫六人、檀己卯舉人、沛思出相本椿槃柯、曾孫三人、元烈、元勳、元煒、系之銘曰、

不亟叱馭以存親也。應變周國以濟屯也。蔑汚後命以潔身也。著
公大節世斷斷也。銘諸幽宮於萬斯年不可泯也。

特敘三藩起釁之由。可以入史中載止。在際盛移師最切大計。
末引公言結之。可作三藩總論。

吳徵君天章墓誌銘

漢魏以來二千餘年間以詩名其家者眾矣。顧所號爲仙才者。惟曹子建。李太白。蘇子瞻三人而已。本朝大一統。閱六十載。作者亦多矣。余獨以仙才許蒲阪吳君。此余之私言也。亦天下之公言也。君且死。諸弟霞曰。吾平生知己。無逾漁洋先生。吾卽死。遺詩勿遽出。必待先生刪定。雖相望二千里。而勿憚跋涉而往求焉。且謁誌墓之文。吾無憾矣。予居田間。聞君之訃。爲哀輓。以代楚些。其末云。已空文字障。靜閱莊嚴劫。何事勞結習。猶煩大迦葉。未幾而霞至。將君遺命。予詩若爲之讖。然嗚呼。異哉。豈余與君精神感通。雖

越在二千里。不以幽冥閒。有如此耶。既次其詩。遂爲其銘。君諱雯。字天章。其先遼陽人也。父允升。中順治二年。順天鄉試。六年。授蒲州學正。十二年。賜同進士出身。明年卒。卒後幾年。吏部按籍。銓授知臨穎縣。君幼孤。母朱有節操。撫君及弟霞等。皆成立。遂籍於蒲。君姿秉殊絕。嗜書如飲食。又薄帖括。爲不足爲。雖在諸生。輒瀏覽羣籍。自六經三史外。先秦兩漢。下逮六朝唐宋元明四部之書。無弗習也。旁及釋老內典祕笈。皆鈎貫其旨趣。含咀其英華。而尤于五際六義。有深嗜焉。初僑居中條山南之永樂。永樂。唐縣也。李石兄弟三相皆居之。詩人李商隱。義山亦居之。號玉溪生。玉溪者。永

樂水名也。君少而食貧，無以爲養，數游京師，謁父執友，年二十餘矣。京師士大夫無知其詩者。予一日過同年榮工部洞門，見其詩云：泉遶漢祠外，雪明秦樹根。又云：濃雲溼西嶺，春泥霑條桑。至今堯峯上，猶上堯時日。大異之，曰：此非今人之詩也。吟風不絕于口。久之，君再入京師，一見談藝，輒夜分不休。如釋迦之有鷲子，馮山之有寂子，相說以解，不待往復扣擊。君固以謂予一人知己，如后山之于南豐也。戊午己未間。

天子詔徵博學宏詞之儒，備顧問。特舉制科，海內名士鱗集闕下。君在舉中，願獨就守素，不與他人走健僕囊，巨軸窳顏低眉望。

門○求○知○者○競○馳○逐○膠○牢○澹○泊○門○有○雀○羅○予○以○是○益○重○之○臨○胸○馮○相
 國○知○君○名○以○扇○索○其○詩○君○大○書○二○絕○句○答○之○其○坦○率○如○是○卒○以○不
 遇○亦○不○悔○也○君○游○燕○趙○齊○魯○吳○越○秦○楚○足○跡○半○天○下○而○梁○宋○間○詩
 尤○工○晚○訪○舊○天○津○復○與○余○相○見○京○師○時○康○熙○辛○巳○君○年○將○六○十○倦
 遊○矣○君○好○友○天○下○士○士○之○名○雅○者○亦○皆○援○君○以○自○重○所○至○編○紵○贈
 答○無○虛○日○然○君○曾○中○涇○渭○不○徇○世○俗○毀○譽○涼○煥○以○為○親○疏○故○人○亦
 樂○就○之○所○謂○嵇○叔○夜○土○木○形○骸○黃○叔○度○汪○汪○如○千○頃○陂○者○庶○幾○似
 之○平○生○好○仙○釋○有○空○諸○所○有○仰○青○雲○踏○白○日○之○意○情○耽○隱○逸○僕○僕
 四○方○謀○升○斗○以○為○甘○旨○之○牽○非○其○志○也○嘗○買○圃○鄭○谷○之○口○有○竹○數

○吳○文○士○必○能○知○是○名○一○味○也○俗○仰○其○詩○文○必○不○能
 ○佳
 ○平○子○意○亦○如○是○

百挺黃梅數十株橘三株中作草堂面雷首肘太華怡然自足將以終老而迄不得遂嗚呼其可悲也君詩一刻于吳中再刻于都下三刻于津門今未刻尙干餘篇予刪之不少貸所存皆卓然可傳蓋痛君彌留不忘誣諉之意亦以報亡友于地下云爾今當寧右文士苟懷一藝朝躡芒屨而夕登館閣者何限君之名固已聞于斯矣而終不遇窮老以死是尤可悲也君娶祁氏有子二人江蘭早卒崇厚州附學生亦前卒繼娶聶氏孫一逢源尙幼卒以康熙四十三年甲申七月某日得年六十有一以某年月日葬某阡君嘗以詩賦應制科故稱徵君銘曰

山河兩戒皆首河中重華舊都扶輿所鍾昔在唐賢摩詰王右丞

河允言盧綸河中人義山玉溪李商隱懷州人表聖王官司空圖有明名

世首兩襄毅楊公博古勲名爛然風騷未繼嶽嶽吳生崛起布衣

身處菰蘆名動京師聲滿天下尙謀升斗晚卜菟裘子真谷口惟

君之詩疏越朱絃後有知者移情成連神之往來河聲嶽色君得古銅

印刻此四字修竹梅花徵君攸宅

此先生最心折之友通篇往復嗟嘆不盡流連真所謂不啻若

自其口出者予一旦溘先朝露得如此文以誌其墓足矣